

بين فهد دوحان وذيب الشمري ..



ذيب الشمري



فهد دوحان

اول تواجد للبشر في سرنديب
 واول مناقب للرماح الاسنه
 واول دوافع للعزوم المجاذيب
 والابقت باوكارها مستكنه
 وتوحيد رأي الاجنحه والمخاليب
 يكون للنصر المحقق مظنه
 والفهد ما يستورد المجد تهريب
 المجد يصنع بين كفه وسنه
 منه الثناء للمعنويات تخصيب
 اذا ضعف فيها نمو الاجنحه
 استنفر بصوته خيول المطالبين
 ويوم انطلق للتضحيات اتبعنه
 علم القيم واضح مواهب وتدريب
 واذا اختفى ما يصعب البحث عنه
 ثلاثة ارباع الاماني مصاويب
 وعلاجهن في طبنا مالقنه
 هـ لكن رغم ما يدغمون الاجانب
 ادغام في غنة ومن غير غنة
 وماسببه جسّاس في مقتل كليب
 بين الشبيبه والكهول المسنه

ومن لا يجرب فوق الأرض الأعاجيب
 من تحتها ، ما عاد هن يجربنه !
 والذيب ما يزل على شي ويغيب
 إلا بمنطق ، يعرفه أو : لأنه
 حاول يقرب واكثر القرب تغريب
 معالم الشرق ، الجديد: اربعنه !
 والواقع المتغير بكل ترتيب
 فوضى وتركض دون وجه وأعنه
 فهد دوحان

له عويّة ما كنها عويّة الذيب
 لكنّ الانسان ان عوى فاعرف انه:
 اما انجرح رجال طيّب خذا الطيب
 عليه مثل الفرض وللناس سنة
 او شاعر في غير وقته مثل « ذيب
 الشمري » ، والصوت صوته وفنه
 لولا الحيا قال ان حياته لواهيّب
 ومتجمل بأيامه ، وجمالنه
 من عقبها يرقى بروس المراقبين
 اما عوى ، أو جر له فيه ونه !
 وان غرد الذيب اعرف ان المواجيب
 تغيّرت بسلومها ، وازعلنه !
 تواضعه رفع مقامه عن العيب
 والشاعريه ، ما نسبها لجنه
 غرد دروس وجاب شعره من الغيب
 سحر حلال ، لحاضره دون منّه
 يرمونه بفتاوي الشعر .. وتخيّب
 وتحلله .. من بعد ما حرمنه
 وانا اذكره من قبل لا ينبت الشيب
 في راسه وقلبه ، عزومه خذنه
 يسري مع السارين ولا له معازيب
 الا النجوم ان شافته ، قلطنه
 متجمع خيره وشره على الطيب
 شعره جنهم ، لكن الفخر جنة !
 واللي يجرب شاشة البث : ويصيب
 خطأ ، أصاب سهامه اللي رمنه !

فئة عصر

يا الله يا الله تعلم السر الدفين
 اللي يتصدّم منه حتى قايله
 يا رب تهديني وبالحبل المتين
 جود ايدني عن سموم القايله
 وتعيدني من عرضه ابليس اللعين
 اللي خلّقك ناصب حبايله
 وانك توفّقني ولاحوالي تعين
 أنت البذي لا ضقت قمت أخايله
 لا ضاعت الحيله عليّه يا معين
 ما غيرك أحد بالوجود أسايله
 مالي غنى عنك وضعفي مستكين
 وانت الجديد اللي يبتش شكاي له
 مبرات أحس إنني بهالدين احزين
 ويضيق صدري لين أصب بكاي له
 وتاخذني الذكرى ونسمات الحنين
 لي غدت دنياه في رحايله
 أبوي وأصحابي وكل المسلمين
 ومن كان قبره صفقت نثايله
 هنا عرفت إن الأجل لازم يحين
 وإن البقي لي علي فضايله
 ولو هي تدوم إن كان دامت للذهين
 اللي يمرر بالخفي عمائيله
 لكنها فيّة عصر للمبصرين
 اللي لهم بالعلم قسوه هايله
 والهقوه اللي ما يلحقها الفطين
 تبقى علي طول المسافة حايله
 حاولت أزينها وعيّت لا تزيين
 والوقت عمره ما يعدل المايله
 والصاحب اللي لا بغيته ما يبين
 وليا زهمته قافل موبايله
 هناك خلّه لا يسار ولا يمين
 وكبّه إذا إنك للشدايد شايله
 وبالعبد مالك غير صوم وركعتين
 وإلا ترى الدنيا حياقة زايله
 ومالك عن اللي مكتب لك بالجبن
 واللي مهو مكتوب منت بنايله
 والعمر رحله والمسافات السنين
 والعبد موته لو يعمر جايله
 ميراعبد الله لين ياتييك اليقين
 وشي مهو مكتوب منت بطايله

نهار بن ممدوح

شهر الهدى

يا لله ياربي ويا عالي الشأن
 بارك لنا في صومنا و في شهرنا
 بهذا الشهر يارب زدنا بالإيمان
 ونرجو عسانا ما ندمنا وخسرنا
 يارب تفرج كل هم مع أحزان
 وفي ديننا تصلح لنا وتعمرنا
 يا ذا الكريم اللي فرض خمس الأركان
 عسى بمرضاتك وعفوك ظفرنا
 وتلطف بنا يا عالم كل ماكان
 ومع زمرة أصحاب اليمين اتحشرنا

سحاب العازمية

يا مرحبا بشهر الفضيلة والاحسان
 شهر(ن) كريم في قدومه غمرنا
 أملاً هلاجه عدّ همال الامران
 و إعداد ملء شوفه وقربه نظرنا
 نفرح وتفرح به بلاد مع اوطان
 جانا رمضان وتو نور قمرنا
 هل رمضان ويخزي كل شيطان
 وبطاعة الرحمن هذا فخرنا
 شهر الهدى انزل به الله قرآن
 على الرسول اللي بحبه أمرنا
 الله وعدنا فيه رحمة وغفران
 ...وتضاعف الحسنات به لصبرنا
 نبع العطاء والخير في كل الازمان
 لواحد المعبود ربي شكرنا